

VELDEKE BLIFTJ THOES



Bèste Veldeke minse,

En toen sloog 't coronavirus toe!

Net de jaorvergadering achter de rök, kreges w'r te make mit 't coronavirus en de gevolge dao van. Al gaw waerdje dudelik, det dit gevolge zoe höbbe vääor oos activiteite.

*Daoróm waerdje 't **Echter Dictee** aafgelasj:

te vääol minse bie-ein, mer later ouch vanwaeges de sloeting van 't Cultuurhoes.

* De **declamatiewedstried** vääor de sjoalkènjers – net opgestartj – perbeerdje w'r ieës nog mit get aanpassinge te laote door gaon. Mer wie alle basissjoales toe ginge, woor ouch dit neet mieë te doen. Alle activiteite, die hiemit same hingen, zeen aafgezag.

* Ouch de in Veldeke Bekèt aangekondigdje "**Literaire aovendj**" op 15 april a.s. kan neet doorgaon. Of det op 'n later moment waal kan, krig g'r nog te huuere.

* Äöver de activiteite in juni en juli wille w'r es bestuur in april/mei 'n besloet numme.

't Is jaomer det 't mit zörg samegestèldje jaorprogramma zoa ónger drök is kómme te staon, mer dao is niks aan te doen. 't Bestuur zal op de voet blieve volge wie de óntwikkelinge zeen en op gróndj daarvan besloete. Iezers mit henj braeke, geitj ouch in dit geval neet. Probeertj uch zoavääol mäögelik aan de richliene te haoje en gezóndj te blieve. Den kènne w'r haopelik straks weer same doorgaon.

Ton van Wegberg, vääorzitter